


# PLEIV TUJETSCH



RAPPORT ANNUAL 1988/89

## I N V I T A Z I U N

alla radunonza generala dalla pleiv da Tujetsch, ch'ei  
fixada sin gliendisdis, ils 5 da zercladur 1989, allas  
20.15 uras ell'aula da scola a Sedrun

---

- Tractandas:
1. Beinvegni
  2. Elecziun da dus dumbravuschs
  3. Protocol
  4. Rapport dil president da pleiv
  5. Rapport dil president dil cussegl pastoral
  6. Quen annual 1988/89
    - a) rapport da quen
    - b) rapport dils revisurs
    - c) approbaziun dil quen
  7. Preventiv 1989/90
  8. Caplutta Nossadunna, Zarcuns
  9. Elecziun dil plevon Sedrun Tujetsch
  10. Elecziuns
  11. Elecziun d'in substitut el corpus catholicum
  12. Varia

A stedia partecipaziun envida

Pleiv da Tujetsch

La suprastonza

## RAPPORT ANNUAL 1988/89

Suprastonza dalla pleiv: Ciril Berther, president  
Carli Curschellas, vicepresident  
Berta Berther, cassiera  
Reginalda Degonda, actuara  
Giusep Giger, assessur

Commembers ex. officio: Rev. sur Giusep Cathomas  
Rev. sur Benedetg Baselgia  
Rev. sur Pius Venzin

Revisurs da quen: Rudolf Cavegn  
Robert Schmid

Supl. dils revisurs: Stanislaus Gamboni  
Tadeus Giossi

### Preziadas parochianas, preziai parochians

Dapi nossa davosa radunonza generala dils 20 da zercladur 1988 ei puspei in bien onn vargaus. Fagend retrospectiva dils fatgs succedi duront in onn, vegnan ins pertscharts ch'il temps fastgina. Gia per la sisavla gada astgel jeu rapportar a Vus sur dil curriu e passau. Gie in onn varga spert e porta a scadin da nus bien e meins bien. Cum - pregliau cun autras tiaras havein nus buca sentiu la fom el venter, ni stuiu emigrar e perclletg era vegni schanegiai da catastrofas dalla natira. E tuttina ha ei tuccau a bein enqualin da nus da purtar grevas cruschs. Lein rugar e sperar che Niessegner detti a tuts la grazia e la forza da purtar il buordi cun curascha, pazienza e dignitad. Mo era ch'els anflien consolaziun e sustegn en nossa cuminonza. Aschia che mintg'in da nus astga sentir il sustegn d'ina buna e ferma cuminonza.

### Persunal e collaboraturs

Ina pleiv ei ina cuminonza nua che biars segidan. Perquei eis ei nunevitont ch'ei dat midadas e mintgaton surprises. La dumengia dil s. Rusari ha sur Benedetg Baselgia priu definitivamein cumiau da nossa pleiv. Nus giavischein ad el tut bien en sia nova dimora en engraziein cordialmein per tut siu prestau.

En la brev dils 3 d'october 1988 ha igl uestgiu proponiu sur Pius Venzin sco plevon a Rueras, quei cun restar vinvon caplon a Segnas. Nossa val, denton tut spezial nus da Rueras, havein giu grond plascher e mussau quel entras la bein frequentada radunonza d'elecziun. Unanimamein ei sur Pius vegnius elegius. Gia ils 29 d'october ha la pleiv da Tujetsch fatg ad el in cordial beinvegni a Rueras e festivau la fiasta d'installaziun. Dapi in miez onn ei sur Pius en nies miez e nus sperein ch'el sesenti bein da casa.

Aunc pli bugen havessan nus giu sch'el havess priu dimora a Rueras. In cordial engraziament a tut tgi che ha segidau che Rueras ha puspei obteniu in bien pastur. El temps d'oz ei quei buca pli evident. Per la buna collaboraziun denter la pleiv da Segnas, president Kurt Jeitziner, e la pleiv da Mustér, president Leo Huonder engraziein nus.

Entras quella midada ei Selva e Tschamut vegni privai da lur plevon. Sur Giusep Cathomas, plevon da Sedrun ha surpriu la pastoraziun da quels dus uclauns. Il november ein ils pertuccai sesi ensemen cun sur Giusep ed ils presidents pastoral e da pleiv ed encuretg ina schligiaziun acceptabla. Ussa vegn ei celebrau in survetsch divin per meins a Selva ni a Tschamut. Cordial engraziament a sur Giusep per siu engaschi.

Strusch era tut reglau, suonda la proxima sorpresa. La sonda igl 1 d'avrel 1989 abdichescha sur Giusep Cathomas sia pastoraziun sco plevon da Sedrun Tujetsch per serender a Breil. L'entira val deplorascha quella decisiun e sa strusch capir. Denton selai quei nuota midar. Sur Giusep ha pastorau en nosa val 13 onns. In liung temps che ha duvrau grond engaschi. Sur Giusep ha adina giu bien quitau per sias nuorsas e sengaschaus grondamein per la pleiv da Tujetsch. L'entira val ed en special ils da Sedrun expriman a sur Giusep e sia casarina dunna Benedicta Chistell in grond e sinzer engraziament ed egl avegnir tut bien. Nus sperein che Niessegner remunereschi il tschiendubel.

La suprastonza dalla pleiv fa tut lur pusseivel per anflar ton pli spert in successur.

Cun la fin digl onn ecclesiastic 1989 ha era nies organist da s. Vigeli Leci Jacomet admess siu uffeci. El ha tratg ils fols varga quader decenis. In temps che fa impressiun a minga singul, che mereta renconuschientscha e grond engraziament. Nus sperein ch'el segidi en cass da basegns vinavon cun nus. Engraziar lein nus era a sia famiglia, pertgei che la famiglia sto sustener e purtar bein enqual sacrifici.

Abdicau ha era nossa catechesa, dunna Seppa Schmet. 14 onns ha ella instruiu nos affonets cun grond engaschi. Nus deplerein ch'ella ha priu quella decisiun, denton havein era nus capientscha per siu agir. Ad ella e sia famiglia admettein nus in cordial Dieuspaghi.

### Baselgias e capluttas

Las baselgias e capluttas vegnan tgiradas cun grond quitau dils ugaus. Aschia che la suprastonza da pleiv vegn levgiada grondamein. Igl onn vargau ei pli tost stau in onn ruasseivel, in bien segn.

## Caplutta Nossadunna, Zarcuns

La decisiun da renovar la caplutta e d'eleger ina cumissiun ei gia vegnida fatga ils 18 da november 1987. Denton ei quei buca stau aschi sempel. Las lubientschas ein aunc buca avon maun. Danovamein ha la cumissiun da renovaziun tschentau la damonda, d'astgar mantener e rugalar igl existent, avon ch'ei detti surpresas pli grondas.

In grond engraziament admettein nus a tuttas e tuts benefactors da Nossadunna. Speziala menziun mereta l'uniun da dunnauns e mattauns che ha organisau in lotto e cheutras saviu regalar in grond sustegn. A tut tgi che ha segidau e segida vinavon schein nus in cordial Dieuspaghi.

## Baghetgs e beins dalla pleiv

Cheu ha ei era buca dau surpresas. La casa parvenda Rueras ei suenter l'abdicaziun da sur Benedetg vegnida libra. Sco enconuschent ha sur Pius Venzin salvau sia dimora a Segnas. Aschia ha la suprastanza giu d'encurir in fittader per quella casa. Naven digl εμπrem da matg 1989 eis ella puspei affittada.

El plaun teren eis ei previu da baghegiar ora in biro (studio) per igl augsegner da Rueras e sur casa vegn eregiu in plaz da parcadi. Ils cuosts da calculaziun ein aunc buca avon maun.

## Quen annual

Era uonn ei igl entir quen aschuntaus, aschia che mintgin sa prender invista dils fatgs da nossa pleiv. Nus admettein a nossa zun premurada cassiera, dunna Berta Berther in cordial engrazia fetg per tut sia buna ed exacta lavur.

## Memento

Niessegner schenghegia la veta e tarmetta la mort. En pietad seregurdein nus da tuttas nossas convischinas e nos convi - schins che Niessegner ha clamau ord nies miez. Tut nos morts meritassen menziun speziala. Quei ei denton strusch pusseivel ed aschia serestrenschel jeu sin igl anteriur ugau baselgia da Selva, Giachen Martin Venzin. El ha exequiu quei uffeci d'honor cun gronda premura. Nies suplean da quen, Stanis Gamboni ha era priu da nus cumiai per serender avon la fatscha da Diu. Nus sperein che tuts nos morts astgan guder la pasch perpetna.

## Engraziament

Alla fin da miu rapport astgel jeu aunc engraziar. Engraziar a Vos, preziasas parochianas e preziai parochians dalla pleiv da Tujetsch per Vies grond sustegn ed engaschi. Pleiv ei era cuminsonza e cuminsonza fa fermes e stateivels.

En num dall'entira pleiv admettel jeu in cordial Dieuspaghi a nos zun preziai rev. augsegners, sur Giusep Cathomas, sur Benedetg Baselgia e sur Pius Venzin. Els ein il tgamun da nosa pleiv e sin lur schuviala schai in grond pensum.

A nossas catechesas engraziein nus era cordialmein per lur instrucziun a nos pigns.

Allas calustras e calusters, als ugaus baselgias e capluttas, ch'embaleschan e tgiran nos sanctuaris in sincer engrazia fetg.

A nossas organistas ed organists, ed als chors-baselgia cun lur dirigents engraziein nus da cor. Els laien ressunar bials tuns melodics per cuntentientscha da nus tuts.

Naturalmein engraziein nus era allas gidontras e gidonters che segidan cun parter ora la s. Communiun ed alla gruppa liturgica.

Bugen engraziel jeu, sco parsura dalla pleiv a mes collegas en suprastonza ed als revisurs per tut lur grond engaschi e sustegn. In grond engraziament agl entir cussegl pastoral cun il president Rudolf Giossi.

Alla suprastonza communal, al cussegl da vischnaunca ed als emploia communal engraziein nus cordialmein per tut lur segidar e sustegn.

Buca emblidar lein nus las societads ed uniuns culturalas. Ellas ein era fetg necessarias en nossa cuminsonza ed embaleschan las fiastas ecclesiasticas e profanas. Ad ellas ed a tuts che segidan sin ina moda ni l'otra cun la pleiv schein nus in sincer Dieuspaghi.

Mo tgei fissan nus senza il Tutpussent? El mereta nies pli grond engraziament. Lein rugar ch'el gidi, protegi e governi vinavon nus e nossa Val.

Rueras, matg 1989

En num dalla pleiv

Il president: Ciril Berther

## RAPPORT ANNUAL DIL CUSSEGL PASTORAL DALLA PLEIV TUJETSCH

---

In onn ei puspei vargaus ed ei tucca da dar sclariment sur dalla lavur digl onn 1988/89 enteifer il cussegl pastoral da nossa pleiv.

Preziadas conparochianas, preziai conparochians

la missiun che nus havein ei da sempatschar dils fatgs da pastoraziun da nossa pleiv ensemen cun nos augsegners e lu surtut de seprofundar en damondas da cardientscha per ver in fundament in tec pli vast per saver veser e giudicar ils fatgs e las damondas che semuossan en pleiv e baselgia sil sector da pastoraziun.

Havend en egl la formaziun da cardientscha da nossa pleiv vein nus els meins da november e december digl atun vargau teniu pliras seras da bibla, tgamunadas da sur Giusep Cathomas en casa da scola a Sedrun. Las empremas seras han dilucidau damondas fundamentalas dalla bibla e mussau dad arver ella endretg e leger ella cun engaschi personal. Las davosas seras vein nus legiu da cuminonza e meditau ils texts biblics ord la scartira digl uestg per igl advent. Participaziun ed interess ein stai gronds. Nus engraziein a quels ch'han luvrau persunter, a tut tgi ch'ha fatg part e manegein ch'ei fussi da continuar en semeglionta maniera. Il temps da november ed advent ei adataus.

L'abdicaziun ed il cumiau da sur Benedetg Baselgia sco plevon-rectur da Rueras ha fatschentau nus e caschunau enqual midada enteifer la pastoraziun da nossa val.

Ils 23 d'october ei sur Pius Venzin vegnius instalaus a Rueras sco niev plevon. El ei gia miez onn en sia nova missiun ed ils parochians da Rueras e lur niev pastur han anflau bien contact. Nus essan engrazieivels da ver anflau in bien augsegner e sperein ch'el seigi cuntents cun ses parochians novs e steti ditg cun nus. La pastoraziun da nos vischins da dadens gl'uaul ha sur Giusep surpriu da Sedrun anora. Da Cuera anora vess ins magari schau curdar la pastoraziun leu el senn da obligar els da far part a Sedrun ni a Rueras. Ins ha viu che quei duei daventar per part. Sur Giusep ch'ei denton amitg e promotur dalla periferia ha vuliu salvar ina certa frequenza da survetsch divin e pastoraziun a Selva e Tschamut. En discurs culs vischins leu ed ils responsabels dalla pleiv ein ins secunvegni da far silmeins inaga il meins ina messa da dumengia a Selva ed ina enzacu in luverdi era a Tschamut e lu surtut da mantener ils survetschs da pelegrinadi a Selva sco usitau (ca 5 gadas ad onn).

En nossas sentupadas essan nus adina puspei sefatschentai co ins savessi trer tier ed engaschar laics enteifer la pastoraziun. Ins ei aviarts per tals basegns e nus havein era saviu

metter quei e tschei en moviment, ton a Rueras sco a Sedrun. La promptadad per tal survetsch davart da members da nossa cuminonza mereta grond respect ed engrazieivladad. A Rueras han ins giu teniu in survetsch divin dil plaid inaga per igl emprem venderdis ed a Sedrun ei stau questa primavera per l'emprema ga ina dumengia tenuta dils laics en absenza dil spiritual. Ich echo ei staus zun positivs. Jeu sunstaus im-ressiunaus e sundel sesentius fetg satisfatgs e biars auters han schau sentir il medem. In grond engraziament a tgi ch'ei sengaschaus.

Gronda atenziun ed interess pretenda era l'instrucziun religiosa en scola. En in temps nua che l'atmosfera religiosa vegn magari pli e pli satela en la veta publica ed era tochen viaden en nossas casas e famiglias ei quella ton pli impurtanta mo era pli hanada. Bein vein nus dunna Seppa Schmet-Pally che fa survetsch de catechesa en in per classas bassas. Ella vesess denton bugen sch'ella savess surdar quei survetsch pastoral a forzas pli giuvnas. Nus sperein ch'ella steti fi-deivla entochen che nus pudein sliigar il problem. Nus engraziein ad ella grondamein. Ei dess interessents per il survetsch da catechet, mo ins ha magari sterment dils cuors da preparaziuns che cuozan ualti ditg e vegnan magari teni empau lunsch dalla val giuado. Sch'ei dess avunda interessents en nossa regiun sisum la Surselva, vegnessan els eventualmein teni cheu tier nus. Cass cuntrari ein els a Cuera. Els cuozan treis onns.

Menziun lessan nus era far dad ina acziun da vender mèl d'aviuls ord Guatamala per sustener ils apiculturs leu e lur lavur.

La giuventetgna ha, ton a Sedrun sco a Rueras, sin stimulaziun dil cussegl pastoral menau atras il di da suppa en favur dalla Unfrenda da Cureisma. Nus engraziein a quels ch'ei senga-schai, a quals ch'ei vegni al gentar da Cureisma ed han unfriu per la buna caussa. E nus stimulein da far quella acziun era egl onn che vegn.

Nossa sentupada da Cureisma vein nus fatg en fuorma dad ina celebrazion da messa da stiva entuorn meisa per tut ils comembers dil Cussegl. Sur Giusep ha preparau cun in per gidonters ord il Cussegl quella eucaristia sut il tema PEDÀ. E nus vein fatg peda da far quella messa. Il priedi ei staus en fuorma da discussiun. Mintgin ha detg tgei ch'il fatg peda munti per el persunalmein (peda per il concarstgaun, per ils malsaus, per la famiglia, per Diu etc.) Far peda, prender peda savess esser medischina encunter enqual malsogna da nos dis da stress e fuolas.

Il fatg che nossa pleiv ha d'encurir ussa suenter l'abdica-zion da sur Giusep Cathomas sco plevon da Tujetsch in niev augsegner occupescha il Cussegl pastoral e franc tuts parochians. Lein sperar ch'ei reusseschi d'anflar in successur che surpren nossa pastoraziun e lein prender quella intenziun



era cunnus ussa en l'oraziun. La realitad dad in niev aug-  
segner vegn era a fatschentar en special nies Cussegl. Lein  
porscher ad el il maun e segidar.

### Engraziament

In cordial engraziament admettel a nos preziaj spirituals,  
sur Giusep e sur Pius per lur grond engaschi en favur da  
nossas pleivs. Gl'atun vegnend banduna sur Giusep nossa  
val, suenter haver pastorau ca. 13 onns en Tujetsch. Pre-  
ziau sur Giusep, per tut Vossas forzas che haveis mes a dis-  
posiziun en quei temps per la pleiv da Tujetsch sauda in cauld  
Dieus paghi, vegli il Segner dar la pagaglia gronda per -  
suenter.

In meriteivel engraziament suada er alla suprastonza da pleiv  
cun siu premurau president Ciril Berther, sco era a mes con-  
suprastonts e tuts commembers dil cussegl per la buna cola-  
boraziun ensemen.

Era a tuts gidonters en pastoraziun e pleiv, a nos chors e  
tuttas uniuns seigi engraziau da cor per lur lavur.

Rueras, matg 1989

En num dil cussegl pastoral

Il president: Rudolf Giossi

P R E V E N T I V 1988/89

Intradas

|                                  |            |
|----------------------------------|------------|
| Tscheins casas                   | 9 840.--   |
| SVS e cassa da pensiun           | 8 500.--   |
| Segirada NBU                     | 980.--     |
| Tscheins conto currents          | 250.--     |
| Tscheins da fondos               | 2 700.--   |
| Tscheins da praus                | 2 180.--   |
| Tscheins terren utilisau(Murer)  | 3 000.--   |
| Tscheins parcadi e plaz da sport | 13 860.--  |
| Tscheins tschaler da schurmetg   | 2 400.--   |
| Contribuziun per dar ductrina    | 6 000.--   |
| Contribuziun per caluster        | 1 500.--   |
| Rest. taglia anticipada          | 650.--     |
| Taglia 1988                      | 155 000.-- |

Expensas

|   |            |            |
|---|------------|------------|
| Pagas   | 130 000.-- |            |
| Tscheins e spesas conto currents                            | 350.--     |            |
| Manteniment da baghetgs                                     | 10 000.--  |            |
| SVS e cassa da pensiun                                      | 23 000.--  |            |
| Biro  | 2 000.--   |            |
| Spesas  | 1 000.--   |            |
| Gentar da renconuschientscha a tuts<br>surviens dalla pleiv | 2 500.--   |            |
| Jeli, electric, aua   | 6 000.--   |            |
| Contribuziun  | 500.--     |            |
| Hypoteca GKB  | 4 600.--   |            |
| Sesiuns e pagas suprastonza                                 | 3 500.--   |            |
| Canalisaziun, serenera, meglieraziun                        | 2 500.--   |            |
| Uorden per dar ductrina                                     | 700.--     |            |
| Segiradas   | 4 700.--   |            |
| Auto, autist, garascha                                      | 4 500.--   |            |
| Agids pastorals   | 2 500.--   |            |
| Stampats e publicaziuns                                     | 3 500.--   |            |
| Rest. taglia a luvriers jasters                             | 1 500.--   |            |
| Taglia  | 550.--     |            |
| Incasso taglia  | 3 100.--   |            |
|   | <hr/>      | <hr/>      |
|   | 206 860.-- | 207 000.-- |
|   | 140.--     |            |
|   | <hr/>      | <hr/>      |
|   | 207 000.-- | 207 000.-- |
|   | =====      | =====      |

QUEN DA CULT PER IGL ONN 1988/89

Quen da menaschi:

Intradadas

|                                  |            |
|----------------------------------|------------|
| Tscheins casas                   | 11 700.--  |
| SVS e cassa da pensiun           | 5 885.80   |
| Segirada NBU                     | 830.70     |
| Tscheins conto currentes         | 189.15     |
| Tscheins da fondos               | 2 880.85   |
| Tscheins da praus                | 2 190.--   |
| Tscheins terren utilisau (Murer) | 3 000.--   |
| Tscheins parcadi e plaz da sport | 13 860.--  |
| Tscheins tschaler da schurmetg   | 2 400.--   |
| Contribuziun per dar ducrina     | 6 000.--   |
| Contribuziun per caluster        | 1 500.--   |
| Diverses                         | 688.--     |
| Taglia 1988                      | 175 867.70 |

Expensas

|                                      |            |
|--------------------------------------|------------|
| Pagas                                | 124 776.35 |
| Tscheins e spesas conto currentes    | 297.80     |
| Manteniment da baghetgs              | 34 274.70  |
| SVS e Kleruscassa, cassa innoc.      | 22 702.35  |
| Biro                                 | 2 051.25   |
| Spesas                               | 1 682.80   |
| Gentar da renconuschientscha         |            |
| a tuts survients dalla pleiv         | 1 696.30   |
| Jeli, electric, aua                  | 4 679.35   |
| Contribuziun                         | 500.--     |
| Hypoteca GKB                         | 4 420.--   |
| Sesiuns e pagas suprastonza          | 3 360.--   |
| Canalisaziun, serenera, meglieraziun | 1 305.60   |
| Uorden per dar ducrina               | 245.--     |
| Segiradas                            | 5 483.25   |
| Auto, autist, garascha               | 4 733.40   |
| Agids pastorals                      | 2 345.--   |
| Stampats e publicaziuns              | 3 687.50   |
| Rest. taglia a luvrers jasters       | 909.70     |
| Taglia                               | 539.80     |
| Incasso taglia                       | 2 749.70   |
| Diverses                             | 942.15     |

Surpli intradas

226 992.20      223 382.--

3 610.20

226 992.20      226 992.20

=====

B I L A N Z A per 28 da fevrer 1989

A C T I V A

|                          |            |
|--------------------------|------------|
| Cassa                    | 231.18     |
| Conto current GKB        | 445.70     |
| Conto current Raiffeisen | 21 710.45  |
| Casas                    | 66 565.70  |
| Dabien taglia            | 123 118.-- |
| Praus                    | 1.--       |

P A S S I V A

|                         |            |
|-------------------------|------------|
| Deivet hypotecar        | 66 565.70  |
| Imprest caplania Selva  | 9 963.35   |
| Imprest parvenda Rueras | 11 093.35  |
| Manteniment da baghetgs | 30 000.--  |
|                         | <hr/>      |
|                         | 212 072.03 |
| Surpli activa           | 117 622.40 |
|                         | <hr/>      |
|                         | 94 449.63  |
|                         | <hr/>      |
|                         | 212 072.03 |
|                         | 212 072.03 |
|                         | =====      |

Cumparegliaziun

|                    |           |
|--------------------|-----------|
| Surpli activa 1988 | 90 839.43 |
| Surpli activa 1989 | 94 449.63 |
|                    | <hr/>     |
| Fatg anavon 1988   | 3 610.20  |
|                    | =====     |

## RAPPORT DALS REVISURS DA QUEN

Sut datum dils 18 da matg 1989 han ils revisurs repas-sau il quen e la bilanza per igl onn da quen 1988 dalla pleiv catolic-romana Tujetsch.

Nus havein controllau intradas ed expensas, la bilanza sco era la facultad ed ils tetels da valeta.

Per intradas ed expensas ein tuttas quittanzas avon maun ed ein vegnidas controlladas miniziusamein. Tier tuttas damondas leutier ha nossa zun premurada cassiera saviu dar il giavischau sclariment.

Il quen ei menaus gests ed entelgeivels ed ei sauda in grond engraziament per il stupent siarra quen a nossa cassiera.


Sin fundament dallas controllas fatgas proponin nus alla hodierna radunonza generala da pleiv:

- a) D'approbar il siarra quen e la bilanza dalla pleiv per igl onn 1988
- b) De dar scarica alla suprastonza e tuts funzionaris.
- c) D'admetter in cauld engraziament a nossa suprastonza per la gronda lavur, sco era a tuts gidonters e gi-dontras dalla pleiv. Quei engraziament auda era a nos reveri augsegners ed a tut tgi che ha luvrau per il beinstar da nossa pleiv. Dieus paghi.


7188 Sedrun, ils 20 da matg 1989

Ils revisurs:

Cavegn Rudolf



Schmid Robert



P R E V E N T I V 1989/90

Intradadas

|                                  |            |
|----------------------------------|------------|
| Tscheins casas                   | 14 840.--  |
| SVS e cassa da pensiun           | 5 000.--   |
| Segirada NBU                     | 750.--     |
| Tscheins conto currentes         | 200.--     |
| Tscheins da fondos               | 2 800.--   |
| Tscheins da praus                | 2 190.--   |
| Tscheins terren utilisau         | 3 000.--   |
| Tscheins parcadi e plaz da sport | 13 860.--  |
| Tscheins tschaler da schurmetg   | 2 400.--   |
| Contribuziun per dar ducrina     | 6 000.--   |
| Contribuziun per caluster        | 1 500.--   |
| Rest. taglia anticipada          | 650.--     |
| Taglia 1989                      | 160 000.-- |

Expensas

|                                      |            |            |
|--------------------------------------|------------|------------|
| Pagas                                |            | 133 000.-- |
| Tscheins e spesas conto currentes    |            | 300.--     |
| Manteniment da baghetgs              |            | 14 500.--  |
| SVS e cassa da pensiun               |            | 23 000.--  |
| Biro                                 |            | 2 000.--   |
| Spesas                               |            | 1 500.--   |
| Gentar da renconuschientscha         |            | 2 500.--   |
| Jeli, electric, aua                  |            | 3 500.--   |
| Contribuziun                         |            | 500.--     |
| Hypoteca                             |            | 4 400.--   |
| Sesiuns e pagas suprastonza          |            | 3 500.--   |
| Canalisaziun, serenera, meglieraziun |            | 2 000.--   |
| Uorden per dar ducrina               |            | 700.--     |
| Segiradas                            |            | 5 500.--   |
| Auto, autist, garascha               |            | 4 800.--   |
| Agids-pastorals                      |            | 2 500.--   |
| Stampats e publicaziuns              |            | 3 500.--   |
| Rest. taglia a luvrers jasters       |            | 1 200.--   |
| Taglia                               |            | 550.--     |
| Incasso taglia                       |            | 3 100.--   |
| Diverses                             |            | 1 000.--   |
|                                      | <hr/>      |            |
|                                      | 213 190.-- | 213 550.-- |
|                                      | 360.--     |            |
|                                      | <hr/>      |            |
|                                      | 213 550.-- | 213 550.-- |
|                                      | =====      | =====      |

FACULTAD DA PARVENDAS E CAPLUTTAS TUJETSCH PER 28.2.1989

|                                   | Obligaziuns      | Carnets da<br>spargn | Imprest          |
|-----------------------------------|------------------|----------------------|------------------|
| <u>Parvenda e caplania Sedrun</u> |                  |                      |                  |
| Tier banca cantunala              | 33 000.--        | 10 254.40            |                  |
| Tier banca Raiffeisen             | 19 000.--        | 4 333.08             | ---.--           |
|                                   | <u>52 000.--</u> | <u>14 587.48</u>     | <u>---.--</u>    |
| =====                             |                  |                      |                  |
| <u>Parvenda Rueras</u>            |                  |                      |                  |
| Tier banca Raiffeisen             | 7 000.--         | 1 065.90             |                  |
| Dabien dalla pleiv                |                  |                      | 11 093.30        |
|                                   | <u>7 000.--</u>  | <u>1 065.90</u>      | <u>11 093.30</u> |
| =====                             |                  |                      |                  |
| <u>Caplania Selva</u>             |                  |                      |                  |
| Tier banca cantunala              | 7 000.--         |                      |                  |
| Tier banca Raiffeisen             | 5 000.--         | 1 365.15             |                  |
| Dabien dalla pleiv                |                  |                      | 9 963.35         |
|                                   | <u>12 000.--</u> | <u>1 365.15</u>      | <u>9 963.35</u>  |
| =====                             |                  |                      |                  |

Camischolas, matg 1989

|  |                |                             |
|--|----------------|-----------------------------|
| <u>Sedrun: Baselgia s. Vigeli</u>      |                | Ugau: Leci Jacomet          |
| Capitals baselgia s. Vigeli            | frs 15 999.80  |                             |
| Deivet                                 | frs 157 347.10 |                             |
| <u>Sedrun: fondos da messas</u>        |                | Administratur: Leci Jacomet |
| Messas fundadas s. Vigeli              | frs 149 431.-- |                             |
| Messas fundadas caplania               | frs 21 708.50  |                             |
| <u>Rueras: Baselgia s. Giachen</u>     |                | Ugau: G. Giachen Monn       |
| Fondo da baselgia                      | frs 9 161.60   |                             |
| Conto da baghegiar                     | frs 8 327.55   |                             |
| <u>Rueras: fondos da messas</u>        |                | Administratur:G.G.Monn      |
| Messas fundadas s. Giachen             | frs 98 215.80  |                             |
| <u>Selva: Baselgia s.Gion e s.Paul</u> |                | Ugau: Stiafen Venzin        |
| Facultad                               | frs 40 981.85  |                             |
| <u>Selva: fondos da messas</u>         |                | Administratur: St. Venzin   |
| Messas fundadas                        | frs 30 058.50  |                             |
| <u>Giuf: Caplutta s, Bistgaun</u>      |                | Ugau: G. Giachen Monn       |
| Facultad                               | frs 14 148.25  |                             |
| <u>Caplutta s. Brida</u>               |                | Ugau: Stiafen Venzin        |
| Facultad                               | frs 8 012.25   |                             |
| <u>Bugnei: Caplutta s. Giusep</u>      |                | Ugau: Adalbert Decurtins    |
| Facultad                               | frs 21 346.60  |                             |
| <u>Camischolas: Caplutta s. Onna</u>   |                | Ugau: Venanzi Cavegn        |
| Facultad                               | frs 7 760.65   |                             |
| <u>Surrein: Caplutta s. Antoni</u>     |                | Ugau: Valentin Hendry       |
| Facultad                               | frs 22 861.80  |                             |
| <u>Cavorgia: Caplutta s. Leci</u>      |                | Ugau: Gaudenz Hendry        |
| Facultad                               | frs 11 521.20  |                             |
| <u>Zarcuns: Caplutta Nossadunna</u>    |                | Ugau: Vigeli Schmid         |
| Facultad                               | frs 81 845.70  |                             |
| <u>Tschamut: Caplutta s. Clau</u>      |                | Ugau: Beat Müller           |
| Facultad                               | frs 5 416.10   |                             |
| Conto da renovaziun                    | frs 7 524.05   |                             |